

**Himoong Tinun-an ang Tanang Nasod pinaagi sa Pagbautismo Kanila
ngadto sa Ngalan sa Amahan, sa Anak, ug sa Espiritu Santo**

Basahong Kasulatan: Mat. 28:16-20

- I. “Gihatag na Kanako ang tanang pagbulot-an sa langit ug sa yuta”—Mat. 28:18:**
- A. Ang Dios maoy kinalabwang pagbulot-an, ug naa Niya ang tanang pagbulot-an—Rom. 9:20-21:
 - 1. Lugwa sa pagkamao mismo sa Dios ang pagbulot-an—Bug. 22:1.
 - 2. Naggikan sa Dios ang tanang pagbulot-an—iya-sa-pangagamhanan, iya-sa-posisyon, ug espirituhanon—Gen. 9:6; Rom. 13:1-7; Juan 19:10-11; 2 Cor. 10:8; 13:10.
 - B. Duha ang aspeto sa espirituhanong pagbulot-an:
 - 1. Ang positibong aspeto pag-alagad man sa mga balaan, pagpangatiman, pagsangkap, ug pagtukod kanila—Mat. 20:25-28; 2:6; 24:45; 2 Cor. 10:8.
 - 2. Ang negatibong aspeto pagbatok man sa kaaway ug sa mga butang nga may kalabotan niya.
 - C. Sa Iyang pagkadios, isip bugtong Anak sa Dios, dunay pagbulot-an ang Ginoo sa tanan—Mat. 28:18.
 - D. Apan sa Iyang pagka-tawo, isip Anak sa Tawo ug Hari sa langitnong gingharian, gihatag Kaniya ang pagbulot-an sa langit ug sa yuta sa nabanhaw na Siya.
- II. “Busa panglakaw mo ug himoang tinun-an ang tanang nasod, magbautismo nila ngadto sa ngalan sa Amahan ug sa Anak ug sa Espiritu Santo”—v. 19:**
- A. Kay gihatag na man Kaniya ang tanang pagbulot-an (v. 18), gisugo sa langitnong Hari ang Iyang mga tinun-an sa paghimong tinun-an sa tanang nasod.
 - B. Manglakaw sila uban ang Iyang pagbulot-an.
 - C. Ang paghimong tinun-an sa mga nasod paghimo man sa mga pagano nga katawhan sa gingharian aron maestablisar ang Iyang gingharian, nga mao ang iglesia, bisan karon, ning yutaa.
 - D. Pagulaon sa bautismo ang mahinulsolong mga tawo sa daan nilang pagkabutang ngadto sa bag-o pinaagi sa pagtapos sa daan nilang kinabuhi ug sa pagbuhi kanila pinaagi sa bag-ong kinabuhi ni Cristo aron mahimo silang katawhan sa gingharian.
 - E. Nagpasabot ang *ngadto* og pakig-usa, sama sa Roma 6:3 ug Galacia 3:27:
 - 1. Gigamit ang mao rang Griyegong pulong sa Mga Buhat 8:16; 19:5; ug 1 Corinto 1:13, 15.
 - 2. Ang pagbautismo sa mga tawo ngadto sa ngalan sa Tulo-usang Dios pagpausa man nila Kaniya sa espirituhanon ug misticong pagkausa.
 - F. Dunay usa ra ka ngalan alang sa Diosnong Trinidad:
 - 1. Ang ngalan maoy sumada sa Diosnong Pagkamao, nga pareho ra sa Iyang persona.
 - 2. Ang pagbautismog tawo ngadto sa ngalan sa Tulo-usang Dios paghumol man kaniya ngadto sa tanang pagkamao sa Tulo-usang Dios.
 - G. Aron maumol ang gingharian, gipakita ni Mateo ang realidad sa Diosnong Trinidad sa pghatag og usa ka ngalan alang Nilang tulo—ang Amahan, ang Anak, ug ang Espiritu:
 - 1. Sa unang capitulo sa Mateo, naa ang Espiritu Santo (1:18), si Cristo nga Anak (v. 18), ug ang Dios Amahan (v. 23) aron magpahimugso sa tawo nga si Jesus (v. 21), nga, isip Jehova nga Manluluwas ug Dios nga uban nato, mao ang pagkalawas mismo sa Tulo-usang Dios.
 - 2. Gipakita ni Mateo sa capitulo 3 ang talan-awon nga nagtindog ang Anak diha sa tubig sa bautismo ubos sa langit nga naabli, nikunsad ang Espiritu samag salampati nganha sa Anak, ug namulong ang Amahan sa Anak gikan sa mga langit—vv. 16-17.

3. Sa capitulo 12, naghingilin ang Anak, diha sa persona sa tawo og mga demonyo pinaagi sa Espiritu aron ikapadangat ang gingharian sa Dios Amahan—v. 28.
4. Sa capitulo 16 gipadayag sa Amahan ang Anak ngadto sa mga tinun-an aron matukod ang iglesia, nga maoy pulso sa kinabuhi sa gingharian—vv. 16-19.
5. Sa capitulo 17 nausab ang dagway sa Anak (v. 2) ug gipamatud-an sa pulong sa kalipay sa Amahan (v. 5), nga nakapasundayag og gamayng hulad sa pagpadayag sa gingharian (16:28).
6. Sa kaulahian, sa hinapos nga capitulo sa Mateo, sa niagi na si Cristo, nga kataposang Adam, sa kahikayan sa pagkalansang sa krus, nisulod sa ginsakpan sa pagkabanhaw, ug nahimong Espiritung taghatag-og-kinabuhi, nibalik Siya sa Iyang mga tinun-an diha sa kahimtang ug realidad sa Iyang pagkabanhaw aron sugoon sila nga himoong katawhan sa gingharian ang mga pagano pinaagi sa pagbautismo kanila ngadto sa ngalan, sa persona, sa realidad, sa Diosnong Trinidad.
7. Matod pa sa Mateo, ang mabautismohan ngadto sa realidad sa Amahan, sa Anak, ug sa Espiritu aron man maumol ang gingharian sa mga langit.
8. Lahi sa yutan-ong katilingban, dili maporma ang langitnong gingharian sa mga tawo nga iya sa unod ug dugo (itandi sa 1 Cor. 15:50); maumol ra kini sa mga tawong nahumol na ngadto sa pagkausa sa Tulo-usang Dios ug nalig-onan ug natukod na sa Tulo-usang Dios, nga giumol na kanila.

III. “Manudlo nila sa pagbantay sa tanang gisugo Ko kaninyo. Ug ania karon, mag-uban Ko ninyo sa tanang adlaw hangtod sa pagkahingpit sa panahon”—Mat. 28:20:

- A. Ang pagtudlo sa mga magtutuo nga magbantay sa tanang gisugo sa Ginoo alang man sa paghimong tinun-an sa tanang nasod—v. 19.
- B. Ang langitnong Hari mao ang Emmanuel, ang Dios nga uban nato—1:23.
- C. Busa, bisan asa ta gitigom ngadto sa Iyang ngalan, naa Siya sa atong taliwala—18:20.
- D. Kay ingon niana man, dili gyod Siya makabiya ug dili gyod mobiya sa Iyang mga magtutuo.
- E. Nagpamatuod si Mateo nga ang Ginoo, ingon nga Emmanuel, mao ang langitnong Hari nga makanunayon gyong mag-uban sa Iyang katawhan hangtod mobalik Siya.
- F. Ang pagkahingpit sa panahon mao ang kataposan ning panahona, nga mao ang panahon sa parousia sa Ginoo, sa Iyang pag-anhi:
 1. Nagpasabot ang pulong *pagkahingpit* nga dunay kahikayan nga makompleto o mahuman.
 2. Sa Mateo 28:20 nagpasabot ang *pagkahingpit sa panahon* sa kataposan ning panahona, ang panahon sa iglesia.
 3. Ang pagkahingpit sa panahon mao ang tulo ug tunga ka tuig nga dakong kasakitan—Dan. 12:4, 6-7, 9.
 4. Ang *kataposan* nga gihisgotan sa Mateo 24:6 mao ang pagkahingpit sa panahon, nga mao ang tulo ug tunga ka tuig (ang kataposang katunga sa ikakapitoan ka semana) nga dakong kasakitan.
 5. Ang pagkahingpit sa panahon dili man kataposan sa kalibotan kondili ang pagkakompleto sa panahon sa iglesia, ang panahon sa grasya; hapit na mahuman kining panahona.
 6. Nisaad ang Ginoo nga sa Iyang pagkabanhaw mag-uban Siya nato sa tanang adlaw, uban sa tanang pagbulot-an, hangtod sa pagkahingpit sa panahon, sa ato pa, hangtod sa kataposan ning panahona.